

দিনাজপুর জুবিলী উচ্চ বিদ্যালয়

বিষয় কোড: ১৫৩

অনলাইন অর্ধবার্ষিক পরীক্ষা-২০২০

শ্রেণি : নবম

বিষয় : বাংলাদেশ ইতিহাস ও বিশ্ব সভ্যতা (সৃজনশীল)

সময়: ২:৩০ মিনিট

পূর্ণমানঃ ৭০

[যেকোনো ৭টি প্রশ্নের উত্তর দাও]

- ১। সাগর শুক্রবার স্কুল ছুটির দিনে জাতীয় জাদুঘরে বেড়াতে যায়। সেখানে বিভিন্ন কক্ষ ঘুরতে ঘুরতে একটি কক্ষে অনেক প্রাচীন দলিল-দস্তাবেজ পড়ে সে প্রাচীনকালের অনেক ঐতিহাসিক ঘটনা জানতে পারে। এতে তার ইতিহাসের জ্ঞান আরও অনেক বৃদ্ধি পায়।
- ক) বিজ্ঞানসম্মত ইতিহাসের জনক কে? ১
- খ) 'History' শব্দটির প্রচলন কীভাবে ঘটে? ব্যাখ্যা কর। ২
- গ) জাতীয় জাদুঘরে সাগরের দেখা ইতিহাসের উপাদানগুলো কোন ধরনের উপাদান? নিরূপন কর। ৩
- ঘ) তুমি কি মনে কর, সাগরের দেখা উপাদান ছাড়া ইতিহাসের আরও উপাদান আছে? তোমার উত্তরের পক্ষে যুক্তি দাও। ৪
- ২। রনি ও বিধান বিশ্বসভ্যতা নিয়ে কথা বলছে। রনি বলল, খ্রিষ্টপূর্ব ৫০০০ থেকে খ্রিষ্টপূর্ব ৩২০০ অব্দ পর্যন্ত নীলনদের অববাহিকায় একটি সভ্যতা গড়ে উঠেছিল। বিধান বলল, উক্ত সভ্যতার ভৌগলিক অবস্থান অত্যন্ত গুরুত্বপূর্ণ।
- ক) কোন দ্বীপে মিনিয়ন সভ্যতার উদ্ভব হয়? ১
- খ) মিশরীয়রা পিরামিড তৈরি করেছিল কেন? ব্যাখ্যা কর। ২
- গ) উদ্দীপকের রনির বক্তব্যে প্রাচীন কোন সভ্যতার ইঙ্গিত পাওয়া যায়? ব্যাখ্যা কর। ৩
- ঘ) উক্ত সভ্যতার ভৌগলিক অবস্থান অত্যন্ত গুরুত্বপূর্ণ-উক্তিটির যথার্থতা বিশ্লেষণ কর। ৪
- ৩। সুইট তার বাবা মার সাথে বগুড়ার মহাস্থানগড় ঘুরতে যায়। মহাস্থানগড়ে তারা অনেক প্রাচীন নিদর্শন দেখতে পায়। তার বাবা বললেন যে, প্রাচীনকালে এখানে একটি জনপদ গড়ে উঠেছিল।
- ক) চন্দ্রদ্বীপের বর্তমান নাম কী? ১
- খ) প্রাচীন জনপদগুলোর পরিচয় কীভাবে জানা যায়। ২
- গ) সুইটের বাবার উল্লেখ করা অঞ্চলটি প্রাচীন কোন জনপদের অংশ? নিরূপন কর। ৩
- ঘ) তুমি কি মনে কর যে, এটি হরিকেল জনপদ নয়? তোমার উত্তরের পক্ষে যুক্তি দাও। ৪
- ৪। অজয় তার পরিবারের সাথে পুরাতন নিবাস ত্যাগ করে নবীনগরে নতুনভাবে বসবাস শুরু করেন। কালক্রমে তিনি নবীনগরের শাসন ক্ষমতার অধিকারী হন। এলাকার উন্নয়নের জন্য তিনি বহুবিধ কার্যসম্পাদন করেন। এ ছাড়া তার পরবর্তী বংশধরেরাও শিক্ষা, সংস্কৃতি ও সাহিত্যে বিশেষ অবদান রাখেন। তার এলাকায় বসবাসরত বিভিন্ন ধর্মের লোকজন বৈষম্যের শিকার হতেন।
- ক) খড়্গ বংশের রাজধানী কোথায় ছিল? ১
- খ) সেনদের 'ব্রহ্মক্ষত্রিয়' বলা হয় কেন? ২
- গ) নবীনগরের শাসক অজয়ের কর্মকাণ্ডে কোন সেন শাসকের কর্মকাণ্ডের প্রতিফলন লক্ষ করা যায়? ব্যাখ্যা কর। ৩
- ঘ) তুমি কি মনে কর উক্ত শাসকের বংশধরেরা শিক্ষা ও সাহিত্য বিকাশে যথেষ্ট অবদান রেখেছেন? তোমার উত্তরের সপক্ষে যুক্তি দেখাও। ৪
- ৫। সৌরভ ব্যানার্জী ও প্রদীপ বণিক দুই বন্ধু এবং একই শহরে বসবাস করে। সৌরভের বাবা কাপড়ের ব্যবসা করেন। তার দোকানে টাঙ্গাইলের তাঁত, রাজশাহীর সিল্ক ও জামদানি শাড়ি বিক্রি হয়। বর্তমানে তিনি সুতি কাপড় ও সিল্ক শাড়ি বিদেশে রপ্তানি করছেন। প্রদীপের বাবা চাল, চিনি, লবণ, মসলা ইত্যাদির ব্যবসায় করেন। তিনি চিনি ও মসলা আমদানি করেন। একদিন প্রদীপ সৌরভদের বাড়িতে যায় এবং তার বোনকে দেখে নিজ বড় ভাইয়ের সাথে বিবাহের প্রস্তাব দেয়। প্রদীপরা সৌরভদের সমগোত্রীয় নয় বিধায় উক্ত প্রস্তাব বাতিল করে দেন সৌরভের মা-বাবা।
- ক) কখন থেকে বাংলায় মুদ্রার প্রচলন আরম্ভ হয়? ১
- খ) প্রাচীন বাংলার মানুষের অবস্থা কেমন ছিল? ২
- গ) সৌরভের বোনের বিয়ের ব্যাপারে তার মা-বাবার মনোভাবে তৎকালীন বাংলার কোন দিকটি ফুটে উঠেছে? ব্যাখ্যা কর। ৩
- ঘ) তুমি কি মনে কর, প্রদীপের বড় ভাইয়ের বিয়ের ব্যাপারে যে বাধার সৃষ্টি হয়েছে তা তৎকালীন বাংলার সমাজের অগ্রগতির অন্তরায়? যুক্তি দাও। ৪
- ৬। পাহাড়ি অঞ্চলের প্রত্যন্ত এলাকা হিমছড়ি। যোগাযোগ ব্যবস্থা সহজসাধ্য না হওয়ায় সেখানকার উৎপাদিত পণ্য সময়মতো বাজারজাত করা কষ্টসাধ্য। পাহাড়ের ঢালু জমিতে প্রচুর কলা উৎপন্ন হওয়ায় সেগুলো সময়মতো বাজারজাত করা সম্ভব হয়নি। একেবারেই স্বল্পমূল্যে কলা বিক্রি

হওয়া দেখে ফুলপড়িয়া দুর্জয় বড়িয়া তার মাকে বলল, এ তো দেখি ইতিহাসের পুনরাবৃত্তি।

ক) বাংলায় মুসলমান শাসকদের মধ্যে কে নৌবাহিনীর গোড়পত্তন করেন ?

খ) বাংলাকে 'বুলগাকপুর' বলা হয়েছিল কেন ?

গ) বাংলার ইতিহাসের কোন শাসকের কথা দুর্জয়ের মনে পড়ে যায়? ব্যাখ্যা কর।

ঘ) উক্ত শাসকের শাসনকালকে স্থাপত্যশিল্পের স্বর্ণযুগ বলাকে যৌক্তিক মনে কর কি ?

৭। রেজা সাহেব চট্টগ্রামের একজন বড় ব্যবসায়ী। তার আমদানি-রপ্তানির ব্যবসা। তিনি জাহাজের মাধ্যমেই বিদেশ থেকে সোনা, রূপা, দামি পাথরের গয়না, রেশমি সুতা, বিভিন্ন দামি মসলা আমদানি করেন। পাশাপাশি তিনি চা ও পাটজাত দ্রব্য রপ্তানি করেন। গত সপ্তাহে তিনি তার মেয়ের জন্মদিনে পোলাও, কাবাব, রেজালা ও মিষ্টির আয়োজন করেন। সবাই খাবার খেয়ে খুবই খুশি।

ক) মহাভারত বাংলায় অনুবাদ করেন কে ?

খ) কৃষিকে বাংলার অর্থনৈতিক সমৃদ্ধির মূল উৎস বলা হয় কেন?

গ) রেজা সাহেবের বাড়ির খাওয়া-দাওয়ার সঙ্গে কোন আমলের মিল রয়েছে? ব্যাখ্যা কর।

ঘ) রেজা সাহেবের অর্থনৈতিক অবস্থা উক্ত আমলের চেয়ে কি সমৃদ্ধ ছিল বলে তুমি মনে কর? যুক্তি দাও।

৮। বেশ কিছুদিন ধরে পলাশপুর চা বাগানের বার্ষিক আয় ওঠানামা করছিল। এ জন্য কর্তৃপক্ষ বাগানের আয় নির্দিষ্ট করার লক্ষ্যে উৎপাদনব্যবস্থা কয়েক বছরের জন্য কতিপয় ব্যক্তির নিকট বরাদ্দ দেন। এ ব্যবস্থায় নতুন ইজারাদাররা বেশি মুনাফা লাভের আশায় চা শ্রমিকদের অতিরিক্ত সময়ে কাজ করতে বাধ্য করে অতিরিক্ত পারিশ্রমিক ছাড়াই। এ ব্যবস্থায় ফলে চা বাগান ও চা শ্রমিকদের অবস্থায় উন্নয়নের প্রতি কোনো দৃষ্টি ছিল না ইজারাদারদের। বাগান কর্তৃপক্ষ এ দুর্বস্থার হাত থেকে মুক্তি পাওয়ার লক্ষ্যে এবং বাগানের আয় সুনির্দিষ্ট করতে ইজারাদারদের সাথে স্থায়ীভাবে বরাদ্দ সম্পাদন করে।

ক) কোন নদীর তীরে পলাশির যুদ্ধ সংঘটিত হয়েছিল?

খ) 'অন্ধকূপ হত্যা' বলতে কী বোঝায় ?

গ) উদ্দীপকের নতুন ব্যবস্থার সাথে তোমার পাঠ্যবইয়ের কোন ঘটনার মিল খুঁজে পাওয়া যায়? ব্যাখ্যা কর।

ঘ) তুমি কি মনে কর উক্ত বন্দোবস্ত অর্থনৈতিক শৃঙ্খলা রক্ষার ক্ষেত্রে সহায়ক ভূমিকা পালন করেছিল? যুক্তি দাও।

৯। রংপুর অঞ্চলে দরিদ্র কৃষকদের জীবনধারা সচ্ছল ছিল না। বিভিন্ন সিগারেট কোম্পানির লোকজন তাদের এই অসচ্ছল জীবনধারার সুযোগ নিয়ে তাদের চড়া সুদে অর্থ প্রদান করে অসম চুক্তির মাধ্যমে তামাক চাষে অগ্রহী করে তোলে। কৃষকদের প্রাপ্ত মূল্য উৎপাদন খরচের তুলনায় কম হওয়ায় তামাক চাষিরা কোম্পানির রাহুতাস থেকে বের হতে না পেরে প্রতিবাদী হয়ে ওঠে। উপরন্তু টেলিভিশনে তামাকের স্বাস্থ্য ঝুঁকির কথা জেনে ঐ অঞ্চলের তামাক চাষিরা করিম ও জলিলের নেতৃত্বে ঐক্যবদ্ধ হয় এবং কোম্পানির এ ধরনের কর্মকাণ্ডের প্রতিবাদ জানায়।

ক) ভারতের প্রথম আধুনিক পুরুষ বলা হয় কাকে ?

খ) ফরায়াজি আন্দোলনের মূল উদ্দেশ্য কী ছিল?

গ) উদ্দীপক সংশ্লিষ্ট তথ্যগুলো তোমার পাঠ্যপুস্তকে পঠিত কোন ঘটনার কথা স্মরণ করিয়ে দেয় ? ব্যাখ্যা কর।

ঘ) উক্ত ঘটনাটি কৃষকদের স্বার্থরক্ষায় কতটুকু যুক্তিযুক্ত ছিল বলে তুমি মনে কর ? মতামত দাও।

১০। কেয়া ও কণা দুই বোন ঈদের কেনাকাটা করতে বাজারে যায়। কেয়া তার পছন্দের তালিকায় বিদেশি পণ্য রাখলেও কণা বিদেশি পণ্য পরিত্যাগ করে দেশি পণ্য কেনার পক্ষে মত দেয়। অবশেষে কণা তার বোন কেয়াকে দেশি পণ্য কেনার বিষয়টি বোঝাতে সক্ষম হয় এবং উভয়ে দেশি পণ্য ক্রয় করে বাসায় ফেরে।

ক) দিল্লির মুঘল সম্রাটের পদ বিলুপ্ত করেন কে ?

খ) 'এনফিল্ড রাইফেল' সৈন্যদের বিদ্রোহী করে তুলল কেন ?

গ) কোন আন্দোলনের শিক্ষায় অনুপ্রাণিত হয়ে কণা দেশি পণ্য কিনতে উৎসাহবোধ করেন? ব্যাখ্যা কর।

ঘ) তুমি কি মনে কর কেয়ার মতো মানসিকতা আমাদের অর্থনৈতিক অগ্রগতির পথে অন্তরায়? যুক্তি দাও।

১১। সুবজনগর অঞ্চলের নির্বাচনে ক্ষমতাসীন প্রভাবশালী দলের নেতাকে মোকাবিলা ও পরাজিত করার জন্য ছোট ছোট দলগুলো একতাবদ্ধ হয়। তারা জনগণের আশা-আকাঙ্ক্ষা বাস্তবায়নের জন্য এক নির্বাচনি ইশতেহার প্রকাশ করে। জনগণ উক্ত জোটের উপর সার্বিক আস্থা রেখে তাদের পূর্ণ সমর্থন ব্যক্ত করে। এর আবশ্যিক্তাবী ফল হিসেবে নির্বাচনে জোটের নেতৃবৃন্দ বিপুল ভোটে জয়ী হন এবং ক্ষমতাসীন দলের নেতারা চরমভাবে পরাজিত হন।

ক) আওয়ামী মুসলিম লীগের প্রথম সভাপতি কে ছিলেন ?

খ) 'আওয়ামী মুসলিম লীগ' গড়ে তোলা হয় কেন ?

গ) সুবজনগর অঞ্চলের ছোট দলগুলো স্বাধীনতাপূর্ব কোন নির্বাচন থেকে শিক্ষা গ্রহণ করে একতাবদ্ধ হয়? ব্যাখ্যা কর।

ঘ) 'ক্ষমতাসীন ও প্রভাবশালী হলেই নির্বাচনে জয়ী হওয়া যায় না।' পাঠ্যপুস্তকে পঠিত অভিজ্ঞতার আলোকে উক্তিটির যথার্থতা মূল্যায়ন কর।